

ଗାଲାତୀୟ ଲୋକମାନଙ୍କ ନିକଟକୁ ପାଉଲଙ୍କ ପତ୍ର **ଗାଲାତିୟ ଲୋକା ଲାକ୍ତୁ ପାଉଲ୍‌ତି ଆକୁ** **ଗାଲାତିୟ ଆକୁ ବିସୟତାନ୍ ଏସ ମାଟା**

ଗାଲାତିୟ ବଇ ପ୍ରେରିତ ପାଉଲ୍‌ତି ମାଣାନ୍ ରାସାତା ମାନାତ୍ ୧:୧ । ଇୟା ବଇଆଙ୍ଗାଁ ଜିସୁ କ୍ରିସ୍ତଦି ଜନମ୍‌ଦି ୪୮-୫୭ ବାର୍ଷେକ୍ ଲୋଇ ଗାଲାତିୟ ମଣ୍ଡଲିଦି ବିସ୍ବାସ୍‌ସିରିଙ୍ଗ୍ ରାସାତା ମାର୍ହାତ୍ । ଆନାତ୍‌ସୁଗି ଗାଲାତିୟର୍ ରମିୟ ଦେସ୍‌ତି ଗାଲାତିଆଦୁ ବାସାତା ମାର୍ହାର୍ । ପାଉଲ୍ ଇୟା ବଇ ରାସ୍‌ନି ଖାଲେ ଏମେମାନୁ ମାର୍ହାନ୍, ଇବେନୁ ପଣ୍ଡିତ୍‌କୁ ସତ୍ ଇନାର୍ । ମାତର୍ ଏପିସି ମାରି କରନ୍ତି ଇୟା ରୁଣ୍ଡି ବାତିଙ୍ଗ୍ ଆନେ ସୁଗି ଇଜି ଝେର୍‌ନାନ୍ ।

ପାଉଲ୍ ଗାଲାତିୟ ମଣ୍ଡଲିଦି ଜିହୁଦି ମାରି ଅଣଜିହୁଦି କ୍ରିଷ୍ଟିଆନ୍ ଲୋକା ଟିକଣା ଝେର୍‌ସି ବଇ ରାସ୍‌ନାନ୍ । ଖାନ୍ ନେସ୍‌ନିଝାଜା ମିର୍ ସିକ୍‌ୟାଦିଙ୍ଗ୍ ସାମ୍‌ନାସାମ୍‌ନି କିନି ଉଣ୍ଡିଙ୍ଗ୍ ରାସ୍‌ତାମାର୍ହାନ୍, ଆକା କ୍ରିଷ୍ଟିଆନ୍ ଲୋକାଙ୍ଗ୍ ପାଡ଼ିଇ ନିୟମ୍‌ଦି ଜିହୁଦି ନିୟମ୍‌ତିଙ୍ଗ୍ ଖାଲେ ସନ୍ତେଙ୍ଗ୍ ଇନାଈଆଜିନାତ୍, ନେସ୍‌ନିଝାଜା ସୁନ୍ନତ ବିଦି ବିସୟତାନ୍ । କ୍ରିଷ୍ଟିଆନ୍ ଲୋକା ଲୋଇରାନ୍ ଏସ ଦଲ୍ ମାର୍ହାର୍ ଆମାଝାରିଙ୍ଗ୍ ଜିହୁଦିର୍‌ମାଟା ଇଜି ଝେର୍‌ସି ମାର୍ହାର୍ । ଖାର୍ ଅଣଜିହୁଦି କ୍ରିଷ୍ଟିଆନ୍ ଲୋକାଙ୍ଗ୍ ସୁନ୍ନତ ବିଦି ମାନାଦେଙ୍ଗ୍ ଝେର୍‌ସି ମାର୍‌ଆର୍ । ଖାନ୍ ବା ପାଉଲ୍‌ତି ପ୍ରେରିତ ଆତିମାନି ଅଦିକାର୍ ବିସୟତାନ୍ ଝେନ୍‌ବାଜି ମାର୍ହାର୍ ।

ପାଉଲ୍ ଏସ କାତା ଇସାବ୍‌ଦାନ୍ ଖାନି ପ୍ରେରିତ ଆତିମାନି ବିସୟ ଝେର୍‌ସି ଖାରିଙ୍ଗ୍ ଜାଟିଜଗଡ଼ା କିନାନ୍ ୧:୧୧-୨:୧୪ ମାରି ଜିସୁକ୍ରିସ୍ତଦିଙ୍ଗ୍ ବିସ୍ବାସ୍ କିନି ମାଣାନ୍ ମୁକୁତାନିକା ପୟ୍‌ଜି ଇକା ବୁଜାକିଜି ସୁସମାଚାର୍‌ଦିଙ୍ଗ୍ ରକ୍‌ୟା କିନାନ୍ ୨:୧୬ । ଆମାକା

ମାପୁରୁଦି ଦୟାଦାନ ଆନାମାନାତ୍ ଲୋକୁ ଆମାକା କିନାମାନାନ୍
ଆବେନ୍ନୁ ସିଲେ ।

ଇୟା ଆବୁରୁ ମାନି ଏସ ମୁକିୟ ବିସୟ

୧. ପାଉଲଦି ମାଡ଼ିସକିନିକା । ୧:୧-୫
୨. ପାଉଲଦି ପାଡ଼ିଇ ଜିବନ୍, ଝାନି ସିକ୍‌ୟା ଅଦିକାର, ନିୟମ୍‌ଦି
ପାଣିକିନି ବିସୟ । ୧:୬-୨:୨୧
୩. ନିୟମ୍‌ଦି ପାଣି ମାରି ମାପୁରୁଦି ଦୟାଦାନ ମୁକୁଡ଼ାନି ବିସୟ ।
୩-୪
୪. ପୁରାନେଗି କ୍ରିଷ୍ଟିଆନ୍ ଲୋକୁ ଜିନିମାଡ଼ିନି ଉଣ୍ଡିଙ୍ଗ୍ ଝେର୍‌ନାନ୍ ।
୫:୬-୧୦
୫. ପାଉଲଦି ମାଡ଼ିସକିନିକା ମାରି ମାପୁରୁଦି ମାଣାନ୍ ଜିବନ୍
ବାଦେଲ୍‌କିନି ମାଟା । ୬:୧୧-୧୮

୧ ନାନ୍ ପେରିତ ସିସୁ ପାଉଲ ଆଦେଙ୍ଗ୍ ଇଜି ନାନ୍
ଲୋକାମାଣାନ୍ ବା ଲୋକା ବଦାଦାନ୍ କୁକାୟ୍ ଆଏ, ଇୟା କୁକ୍‌ନିକା,
ନିଜେ ମାପୁରୁ ମାଣାନ୍ ମାରି ଝାନ୍ ଆମାଝାନିଙ୍ଗ୍ ସାତିମାଣାନ୍
ନିକ୍‌ତାମାନାନ୍, ଆୟା ଜିସୁ କ୍ରିସ୍ତ ମାଣାନ୍ ପୟ୍‌ତାମାନାପ୍ ।

୨ ମାରି ନା ଝାଲେ ମାନି ବିସ୍‌ବାସ୍‌ତି ତଡ଼ାନ୍‌କୁ ନି ତାଙ୍ଗିକ୍ ଝିଜେରେ
ଗାଲାତିଆ ମଣ୍ଡଲିଆଙ୍ଗ୍ ମାଡ଼ିସକିନିନାପ୍ ।

୩ ମା ବୁବା ମାପୁରୁ ନି ପ୍ରବୁ ଜିସୁ କ୍ରିସ୍ତ ମିଙ୍ଗ୍ ଦୟା ନି ସାନ୍ତି ସିପିନ୍
।

୪ ଇଲେଇତି ଇୟା ପାପ୍ ଦୁନିଆଦାନ୍ ମାଙ୍ଗ୍ ରକିୟା କିଦେଙ୍ଗ୍
ଇଜି, ମା ବୁବା ମାପୁରୁଦି ବଦା ମାନାଜି, କ୍ରିସ୍ତ ମା ପାପ୍ ଉଣ୍ଡିଙ୍ଗ୍
ନିଜେଦିଙ୍ଗ୍ ସର୍ପେ କିତାନ୍ ।

୫ ଜୁଗ୍ ଜୁଗ୍ ମାପୁରୁ ଗୌରବ୍ ଆପିନ୍ । ଆମେନ୍ ।

ଉନ୍‌ଶ୍ଟେନେ ସୁସମାଚାର୍

୬ କ୍ରିସ୍ତଦି ଦୟାଦାନ ଜେ ମିଙ୍ଗ୍ କୁକ୍‌ତାମାର୍‌ହାନ୍, ନିସା ବେଗି ମିର୍
ଝାନିଙ୍ଗ୍ ଡ଼ିସ୍‌ସି ଆଇ ଉନ୍‌ଶ୍ଟେ ସୁସମାଚାର୍ ତରିନ୍ ମୋନ୍‌ଦିୟାନ୍
ସିଜିନିଦେର୍, ଆୟାଉଣ୍ଡିଙ୍ଗ୍ ନାନ୍ କାବା ଆଜିନା ।

୭ ସତ୍ତାନ୍ “ଆଇ ଇନି ସୁସମାଚାର” ସିଲେଡ଼ । ମାତର୍ ନାନ୍ ଇୟାଞ୍ଜା ଇଜିନା, ଇରିଙ୍ଗ୍ ଏସଲୋକ୍ କ୍ରିସ୍ତି ସୁସମାଚାରତିଙ୍ଗ୍ ଆଇ ରୁପ୍ ସିଜି, ମିଙ୍ଗ୍ ବେମ୍ବି କିଦେଙ୍ଗ୍ ସେସ୍ଟା କିଜିନାର୍ ।

୮ ମାତର୍ ମାପ୍ ମି ଲାକ୍ତୁ ଏମେ ସୁସମାଚାର ପ୍ରଚାର ସିତାମାର୍ହାପ୍, ଜଦି ତାନିମାଣାନ୍ ଆଇ ଉନ୍‌ଶ୍ଟି, ସୁସମାଚାର ମାପ୍ ନିଜେ ମାରି ମୁସକୁପୁରତି ଦୁଡ଼ ପ୍ରଚାର କିନାଡ଼, ଆର୍ତିଙ୍ଗ୍ ଖାନ୍ ଅବିସାପ୍ ଆପିନ୍ ।

୯ ମାପ୍ ପୁର୍ବେ ଇକା ଇର୍ହାମାର୍ହାପ୍ ମାରି ଇଲେଇ ନାନ୍ ମାରିଡ଼େସି ଇଜିନା, ମିର୍ ଏମେ ସୁସମାଚାର ମାନାତି ମାନିଦେର୍, ତାନିମାଣାନ୍ ଆଇ ଇନି ସୁସମାଚାର ଜଦି ଏନ୍ ପ୍ରଚାର କିନାନ୍, ଆର୍ତିଙ୍ଗ୍ ଖାନ୍ ଅବିସାପ୍ ଆପିନ୍ ।

୧୦ ଇକା ଝେନ୍‌ଜି ମିର୍ ଇନିକା ଅଡ଼୍‌ବିଜିନିଦେର ଜେ, ନାନ୍ ଲୋକ୍ ସାକା ଆନିକା ଲାବ୍ କିନି ଉଣ୍ଡିଙ୍ଗ୍ ସେସ୍ଟା କିଜିନା ? ସିଲେ, ଏସାଙ୍ଗ୍ ସିଲେ । ନାନ୍ ବଦାକିନା କେବଲ ମାପୁରୁଦି ସାକା । ନାନ୍ ଇନିକା ଝେଙ୍ଗ୍ ଦେଙ୍ଗ୍ ଆନି ଉଣ୍ଡିଙ୍ଗ୍ ବଦା କିଜିନା ? ନାନ୍ ଜଦି ଇୟାସାନ୍ ଝେଙ୍ଗ୍ ଦେଙ୍ଗ୍ ଇଜି ସେସ୍ଟା କିତାମାନ୍, ଆର୍ତିଙ୍ଗ୍ ନାନ୍ ନେର୍ କ୍ରିସ୍ତି ସେବାକିନିକିୟା ଆଏତାମାନ୍ ।

ପାଉଲ ଏଣ୍ଡେସ୍ ପେରିଡ଼ ସିସୁ ଆତାନ୍

୧୧ ଏ ତଡ଼ାନ୍‌କୁ ତାଙ୍ଗ୍ କି, ମିଙ୍ଗ୍ ଝେର୍‌ସିନା ଜେ, ନାନ୍ ଏମେ ସୁସମାଚାର ପ୍ରଚାର କିନା, ଆକା ଲୋକା ମାଣାନ୍ ରେଏଡ଼ ।

୧୨ ନାନ୍ ଇନି ଲୋକାମାଣାନ୍ ଆକା ପୟ୍‌ଏ, ମାରି ଏନ୍ ନାଙ୍ଗ୍ ଆକା ଅଜା କିଏନ୍ । ନିଜେ ଜିସୁ କ୍ରିସ୍ତି ଆକା ନା ଲାକ୍ତୁ ତର୍ତାମାନାନ୍ ।

୧୩ ✠ଜିହୁଦି ଦାର୍ମ୍ ଉଣ୍ଡିଙ୍ଗ୍ ଝେଡ଼ିକାମାନି ସମୟ୍‌ତୁ ନାନ୍ ଏଣ୍ଡେସ୍ ଜିବନ୍ ଜିଜିମାର୍ହା, ଏଣ୍ଡେସ୍ ତାଗ୍‌ଏଣ୍ଡା ମାପୁରୁଦି ସେବା କିନି ମଣ୍ଡଲିଦିଙ୍ଗ୍ ତାଡ଼ନା କିଜିମାର୍ହା ମାରି ତାନିଙ୍ଗ୍ ଦଂସ କିନି ଉଣ୍ଡିଙ୍ଗ୍ ଏଣ୍ଡେସ୍ ବେଗିଆନାଡ଼ ସେସ୍ଟା କିଜିମାର୍ହା, ଇୟାଞ୍ଜି ବସୟ୍ ମିଙ୍ଗ୍ ଜାଣେ କିଆୟ୍‌ଆତା ମାନାଡ଼ ।

୧୪ ✧ଜିହ୍ଵାଦି ଦାମ୍ଭୁ ମାନାନିମାନୁ ସାମାନତାନ୍ ଜିହ୍ଵାଦି ଲୋକାମାନୁ
ବା ନାନୁ ଆଗ୍ତିମାର୍ହା ମାରି ମା ଡକ୍ରାଦାଦାରି ରିତିନିତି ଉଣ୍ଠିଙ୍ଂ ନାଣ୍ଠୁ
ମାନାଜିମାର୍ହା ।

୧୫ ✧ମାତର ମାପୁରୁ ଖାନି ଦୟାଦାନ୍ ନା ଜନମ୍ ଆନି ଆଗ୍ତିରାନ୍
ନାଙ୍ଂ ଆସ୍ତିତାମାର୍ହାନ୍ ମାରି ଖାନି ସେବା କିନି ଉଣ୍ଠିଙ୍ଂ ନାଙ୍ଂ
କୁକ୍ତାମାର୍ହାନ୍ ।

୧୬ ମାରି ଅଣଜିହ୍ଵାଦି ଲୋକା ଲାକ୍ତୁ ସୁସମାଚାର ପ୍ରଚାର କିନି
ଉଣ୍ଠିଙ୍ଂ ଏସ୍ତିଖାଲେ ନା ଲାକ୍ତୁ ଖାନ୍ ଖାନି ମାରିସିଙ୍ଂ ତରତାନ୍,
ଇୟା ବିସୟତାନ୍ ସିକିୟା ସିଦେଙ୍ଂ ଇଜି ନାନ୍ ଆଇ ଏ ଲାକ୍ତୁ ସଲ୍‌ଏ
ମାର୍ହା ।

୧୭ ଇୟାଖାଜାକି ନା ଆଗ୍ତିରାନ୍ ଏମେକାର ପେରିତ ସିସୁ
ଆତାମାର୍ହାର୍, ଖାରି ଖାଲେ ବା ବେଟ୍‌ବୁଡାଦେଙ୍ଂ ଇଜି
ଜିରୁସାଲାମ୍‌ତୁ ସଲ୍‌ଏମାର୍ହା । ମାତର ନାନୁ ଦାପ୍ରେ ଦାପ୍ରେ ଆରବ
ଦେସ୍‌ତୁ ସର୍ହାମାର୍ହା ମାରି ଖେନ୍‌କା ଦାମାସ୍‌କସ୍‌ତୁ ଡେସି ଖାତା ।

୧୮ ✧ଇୟାଡେନି ତିନ୍ ବାସେକ୍ ଖେନ୍‌କା ନାନୁ ପିତରୁତି ଖାଲେ
ମିସାଦେଙ୍ଂ ଇଜି ଜିରୁସାଲାମ୍‌ତୁ ସର୍ହା ମାରି ଖାନି ଖାଲେ ରୁଣ୍ଠି
ଖାରେଙ୍ଂ ଡେବାତା ମାର୍‌ଆ ।

୧୯ ପ୍ରବୁଦି ତଡାନ୍ ଜାକୁବଙ୍ଂ ଡିସ୍‌ତିଙ୍ଂ ନା ଆଇ ଏମେ ପେରିତ
ସିସୁରି ଖାଲେ ମିସାଏତା ମାର୍ହା ।

୨୦ ନାନୁ ଆମାକା ରାସ୍‌ସିନା, ଆକା ସଡ଼; ମାପୁରୁ ନେସ୍‌ନାନ୍ ନାନୁ
ମିସ୍ ଇନ୍‌ଏ !

୨୧ ଡେନିଖେନ୍‌କା ନାନୁ ସିରିଆ ନି ସିଲିସିଆଦି ନାଣ୍ଠୁ ବାଡିଆଙ୍ଂ
ସର୍ହାମାର୍ହା ।

୨୨ ଆୟା ସମୟତୁ ଜିହ୍ଵାଦା ଦେସ୍‌ତୁ ମାନି କ୍ରିସ୍ତ ମଣ୍ଡଲିଦି ବିସ୍‌ବାସିର୍
ନାଙ୍ଂ ନେଗେନ୍‌ତାନ୍ ନେସ୍‌ଏର୍ ମାର୍‌ହାର୍ ।

୨୩ ନା ବିସୟତାନ୍ ଆଇକାର ଆମାକା ଇର୍ହାମାର୍ହାର୍, ଖାର୍
କେବଲ ନାସନେ ନେସ୍‌ତାମାର୍ହାର୍ । ଆଇଲୋକାମାଣ୍‌କୁ ଖାର୍

✧ ୧:୧୪ ପ୍ରେରିତ ୨୨:୩୩.

✧ ୧:୧୫ ପ୍ରେରିତ ୯:୩-୬; ୨୨:୬-୧୦; ୨୬:୧୩-୧୮.

✧ ୧:୧୮ ପ୍ରେରିତ ୯:୨୬-୩୦.

ଝେରଆମାହାର୍, “ଆମା ଲୋକ୍ ମାଙ୍ଗୁଁ ତାଡ଼ନା କିଜିମାହାନ ମାରି ଅରଲେନ୍ ମା ବିସବାସତିଙ୍ଗୁ ଦଂସ କିଦେଙ୍ଗୁଁ ସେସ୍ତୁ କିଜିମାହାନ, ଇଲେଇ ଖାନ ଆୟା ସୁସମାଚାରତିଙ୍ଗୁ ପ୍ରଚାର କିଜିନାନ !”

୨୪ ଆୟାଉଣ୍ଡିଙ୍ଗୁ ଖାର ନା ଉଣ୍ଡିଙ୍ଗୁଁ ମାପୁରୁଦି ପ୍ରସଂସା କିଜିମାହାର୍ ।

୨

ପାଉଲ ନି ଆଇ ପ୍ରେରିତ ସିସୁର୍

୧ ✠ସଉଦ ବାସେକ୍ ଝେନ୍‌କା ବର୍ଣ୍ଣବାଦି ଖାଲେ ନାନୁ ଜିରୁସାଲାମତୁ ଡେସିସହାପ୍; ନା ଖାଲେ ତିତସ୍ତିଙ୍ଗୁଁ ବା ଅତା ମାହାପ୍ ।

୨ ଆବେ ସନ୍‌ଡ୍ରେଙ୍ଗୁଁ ଆନାଡ଼ ଇଜି ମାପୁରୁମାଣାନ ଦର୍ସନ୍ ପୟ୍‌ଜି ନାନୁ ସହାମାହା । ଅଣଜିହୁଦି ଲୋକା ଲାକତୁ ନାନୁ ଏମେ ସୁସମାଚାର ପ୍ରଚାର କିତାମାନା, ଜିରୁସାଲାମତି ନେତାରିଙ୍ଗୁଁ ଉନ୍‌ଣ୍ଡି ଇଲୁ ମିଟିଙ୍ଗୁଁ ଆକା ବୁଜାକିତା ସିତାମାହା । ନା ଆଗଡ଼ିରି ମାରି ଇଲେଇତି ଝେଡ଼ାଦି ପାଣି ଏଣ୍ଡେସ୍ ଆରେଏ ଆଏଡ଼, ଆୟାଉଣ୍ଡିଙ୍ଗୁ ନାନୁ ସୁଡ଼ୁଜି ମାରହା ।

୩ ନା ତଡ଼୍‌ତିତସ୍ ଅରେନ୍ ଗ୍ରିକ୍ ଲୋକ୍ ଆତିମାରିଙ୍ଗୁବା, ଖାନିଙ୍ଗୁଁ ସୁନ୍ନତ ଆନି ଉଣ୍ଡିଙ୍ଗୁଁ ଜିବରଦସ୍ତ କିଆୟ ଆଏଡ଼ମାହାଡ଼ ।

୪ ମାତର୍ ଏସ ଲୋକୁ ଖାନିଙ୍ଗୁଁ ସୁନ୍ନତ କିବିସ୍‌କିଦେଙ୍ଗୁଁ ଇଜି ବଦାକିଜିମାହାର୍ । ଖାର ବିସବାସିରି ତଡ଼ାନକୁ ଇଜି ସାଲାକି କିଜି ନେସ୍‌ଇ ଖାଜା ଦଲ୍‌ତୁ ମିସାତାମାହାର୍ । କ୍ରିସ୍ତ ଜିସୁଦି ଖାଲେ ମିସାନି ମାଣାନକୁ ମାପ୍ ଏମେ ଜିଣାନିକା ଲାବ୍ କିତାମାନାପ୍, ତାନିଙ୍ଗୁଁ ପୟ୍‌ଜି ଅତେଙ୍ଗୁଁ ଇଜି ଖାରି ଉଦେସ୍ ମାହାଡ଼ । ମାଙ୍ଗୁଁ ମାରିଡେସି ନିୟମତି ଦାସ କିଦେଙ୍ଗୁଁ ଖାର ବଦା କିଜିମାହାର୍ ।

୫ ମାତର୍ ମି ଉଣ୍ଡିଙ୍ଗୁଁ ସୁସମାଚାରତି ସଡ଼ତିଙ୍ଗୁଁ ଜିପିସ୍‌କିଜି ଇଡ଼ଦେଙ୍ଗୁଁ ମାପ୍ ଆୟା ଟକେକିନିଖାରିଙ୍ଗୁଁ ସାଣେକ୍ ବା ମାଟା ଇନ୍‌ଡ୍ରେଙ୍ଗୁଁ ସାରି ସିଏପ୍ ମାହାପ୍ ।

✠ ୨:୧ ପ୍ରେରିତ ୧୧:୩୦; ୧୫:୨.

୬ ମାତର ଏମେକାର ନେତା ଇଜି ଷ୍ଟେଫାନି ମାର୍ହାର୍, ଝାର ଜେ ଏର ଆପିର, ଆବେ ଇନିକା ନା ସଲ୍‌ଏଡ଼ ରେଏଡ଼; ଇରିଙ୍ଗ ଆଡ଼ରେରି ବୁଲ୍‌ସାଲା ସୁଡ଼ଜି ମାପୁରୁ ଏମେଝାନି ବିଚାର କିଏନ୍, ଆୟା ନେତାର ନାଙ୍ଗ ଇନି ପୁନି ମାଟା ସିଏର ମାର୍ହାର୍ ।

୭ ମାରି ଉନ୍‌ଶ୍ଟି ତରିନ୍, ଝାର ସୁଡ଼ତୁମାର୍ହାର୍ ଜେ, ମାପୁରୁ ଏଣ୍ଡେସ୍ ଜିହୁଦିଲୋକା ଲାକ୍‌ତୁ ସୁସମାତାର ପ୍ରଚାର କିନି ଦାୟିତ ପିତରତିଙ୍ଗ ସିତାମାର୍ହାନ୍, ଆୟାଝାଜା ଅଣଜିହୁଦି ଲୋକା ଲାକ୍‌ତୁ ସୁସମାତାର ପ୍ରଚାର କିନି ଦାୟିତ ନାଙ୍ଗ ସିତାମାନାନ୍,

୮ ଇରିଙ୍ଗ ପିତର ଏଣ୍ଡେସ୍ ମାପୁରୁଦି ସାକ୍ତିଦାନ୍ ଜିହୁଦିଲୋକା ଉଣ୍ଡିଙ୍ଗ ପେରିତ ସିସୁ ଝାଜା ବାସେ କିଆୟାଆତାମାର୍ହାନ୍, ନାନ୍ ବା ଟିକ୍ ଆୟାଝାଜା ମାପୁରୁଦି ସାକ୍ତିଦାନ୍ ଅଣଜିହୁଦି ଲୋକା ଉଣ୍ଡିଙ୍ଗ ପେରିତ ସିସୁ ଝାଜା ବାସେ କିଆୟାଆତାମାନା ।

୯ ନାସ୍ତିଝାଲେ ମୁଣ୍ଡା ଝାଜା ଷ୍ଟେଫାନିମାନି ଜାକୁବ, ପିତର ନି ଜୋହନ ମାନାତା ମାର୍ହାର୍ ଜେ, ମାପୁରୁ ନାଙ୍ଗ ଇୟା ଦୟା ପାଣିଦି ଦାୟିତ ସିତାମାନାନ୍ । ଆଦେଙ୍ଗ ଝାର ନାଙ୍ଗ ନି ବର୍ଣ୍ଣବାଦିଙ୍ଗ ଅରସେମାନିକା ଝାଜା ଷ୍ଟେଡ଼ିକାଦାନ୍ ମାନାତାମାନାର୍ । ବର୍ଣ୍ଣବା ନି ନାନ୍ ଅଣଜିହୁଦି ଲୋକା ଲାକ୍‌ତୁ ମାରି ଝାର ଜିହୁଦିଲୋକା ଲାକ୍‌ତୁ ପାଣି କିନାପ୍ ଇଜି ମାପ୍ ଉନ୍‌ଶ୍ଟିମନ୍ ଆତାମାର୍ହାପ୍ ।

୧୦ ଝାର କେବଲ ନିସନେ ଅନୁରୋଦ କିତାମାର୍ହାର୍ ଜେ, ମାପ୍ ଝାରି ଦଲ୍‌ତୁ ମାନି କାକୁତ ଲୋକାଙ୍ଗ ଏଡ଼ ଇଡ଼ନାପ୍ । ଆୟା ବିସୟ ଉଣ୍ଡିଙ୍ଗ ନେ ନା ଆସା ମାର୍ହାଡ଼ ।

ଆଣ୍ଟିୟକଦୁ ପିତରତିଙ୍ଗ ପାଉଲତି ଲାଗାନିକା

୧୧ ପିତର ଆଣ୍ଟିୟକଦୁ ଝାତିମାର୍‌ଝାଲେ ନାନ୍ ଷ୍ଟିଜେରି ଆଗ୍‌ଡ଼ି ଝାନିଙ୍ଗ ଜାଟି କିତାମାର୍‌ଆ, ଇରିଙ୍ଗ ଝାନ୍ ସତେନେ ବୁଲ୍ ପାଣି କିଜିମାର୍ହାନ୍ ।

୧୨ ଜାକୁବଦି ମାଣାନ୍ ପେରିତ ଏସଲୋକ୍ ଆବେନ୍ ଝାନି ଆଗ୍‌ଡ଼ି, ପିତର ଅଣଜିହୁଦି ତଡ଼ାନକୁ ନି ତାଙ୍ଗ କା ଝାଲେ ଉଣ୍ଡି ମାର୍ହାନ୍ । ମାତର ଆୟା ଲୋକୁ ଝାତି ଷ୍ଟେନ୍‌କା, ଝାନ୍ ଇବେଟ୍‌ଡ଼ାନ୍ ନିଙ୍ଗ ତା

ସର୍ହାନ୍ ମାରି ଖାରି ଖାଲେ ଖାନ୍ ମାରି ଉଣୁଏତାନ୍, ଇରିଙ୍ଗ୍ ଅଣଜିହୁଦି ଲୋକୁ ସୁନ୍ନତ ଆନିକା ଦରକାର୍ ଇଜି ଏମେକାର୍ ଇଜିମାର୍ହାର୍, ଖାନ୍ ଖାରିଙ୍ଗ୍ ତିଲ୍ଲାଜି ମାର୍ହାନ୍ ।

୧୩ ଆଇ ଜିହୁଦି ତଡ଼ାନ୍କୁ ପିତରତି ଖାଲେ ମିସାଜି ଟକେକିନି ଲୋକା ଖାଜା ବ୍ୟବହାର୍ କିଜିମାର୍ହାର୍, ଇୟାଖାଜାକି ବର୍ଣ୍ଣବା ବା ଖାରି ସାଲାକିଦୁ ଆରତାନ୍ ।

୧୪ ନାନ୍ ସିସିଖାଲେ ସୁଡ଼ତୁା ଜେ, ସୁସମାଚାରତି ସଡ଼ ଇସାବତାନ୍ ଖାର୍ ନେଗେନ୍ ବ୍ୟବହାର୍ କିଏଜିନାର୍, ନାନ୍ ଖାରି ଆଗ୍ତି ପିତରତିଙ୍ଗ୍ ଇରଆମାର୍ହା, “ଜଦି ନିନ୍ ଜିହୁଦିଲୋକୁ ଆଜି ଅଣଜିହୁଦି ଲୋକା ଖାଜା ଜିଜି ମାଡ଼ିଜିନି, ଆରତିଙ୍ଗ୍ ଜିହୁଦିଲୋକା ଖାଜା ଜିଦେଙ୍ଗ୍ ନିନ୍ ଅଣଜିହୁଦି ଲୋକାଙ୍ଗ୍ ଏଣ୍ଡେସ୍ ଜବର୍ଦ୍ଦସ୍ କିଦେଙ୍ଗ୍ ଆଟ୍ଟନି ।”

ବିସ୍ବାସତାନ୍ ପରିତ୍ରାଣ ପୋଇନାର୍

୧୫ ସଡ଼ତାନ୍ ମାପୁ ଜନମ୍ତାନ୍ ଜିହୁଦି ଲୋକୁ; ଖାରଗିଜିସାନି ଇସାବତାନ୍ “ପାପି ଅଣଜିହୁଦି ଲୋକୁ” ସିଲେ ।

୧୬ ମାପୁ ନେସନାପ୍, ନିୟମତି ଦାବିଞ୍ଜୁ ପୁରା କିନି ମାଣାନ୍ ସିଲେ, ମାତର୍ କେବଲ୍ ଜିସୁ କ୍ରିସ୍ତମାନ୍ ବିସ୍ବାସ କିନି ମାଣାନ୍ ଅରେନ୍ ମାପୁରୁଦି ଆଗ୍ତି ଦସ୍‌ସିଲେଣ୍ଡା ମିସାଦେଙ୍ଗ୍ ଆଟ୍ଟନାପ୍ । ମାପୁରୁଦି ଆଗ୍ତି ଦାମ୍ ଲୋକ୍ ଆଦେଙ୍ଗ୍ ଇଜି ମାପ୍ ମାରି ନିୟମତି ମୁସ୍‌କୁ ଆସା ଇଡ଼ଏନ୍‌ଶ୍ଯା ଜିସୁ କ୍ରିସ୍ତମାନ୍ ବିସ୍ବାସ କିଜିନାପ୍, ଇରିଙ୍ଗ୍ କେବଲ୍ ନିୟମ୍ ମାନାନ୍ ମାଣାନ୍ ଏନ୍ ମାପୁରୁ ଆଗ୍ତି ଦାମ୍ ଲୋକ୍ ଆଦେଙ୍ଗ୍ ଆଟ୍ଟଏନ୍ ।

୧୭ ମାତର୍ କ୍ରିସ୍ତଦି ଖାଲେ ମିସାଜି ମାପୁରୁଦି ଆଗ୍ତି ସେବାକିନି ଦାମ୍ ଲୋକ୍ ଆଦେଙ୍ଗ୍ ଇଜି ସେସ୍ଯା କିଡ଼ିଖାଲେ, ଜଦି ମାପ୍ ବା ଅଣଜିହୁଦି ଲୋକା ଖାଜା “ପାପି” ଆଜି ତେବାତିମାନିକା, ଇୟାଉଣ୍ଡିଙ୍ଗ୍ ଇନିକା କ୍ରିସ୍ତ ଦାୟି ? ସିଲେ, ଇକା ଏସାଙ୍ଗ୍ ସିଲେ ।

୧୮ ମାତର୍ ଏମେ ନିୟମତି ଗାଟିଦିଙ୍ଗ୍ ନାନ୍ ସିନା କିତାମାନା, ତାନି ମାରିଡ଼େସି ତିଆର୍ କିଦେଙ୍ଗ୍ ସରିଙ୍ଗ୍ ନାନ୍ ଦସି ଆନା ।

୧୯ “ନିୟମ୍ତି ଉଣ୍ଡିଙ୍ଗ ନାନୁ ପୁରା ସାତାମାନା ଆୟା ନିୟମ୍ତାନ ନେ ନାନୁ ସାତାମାନା । ମାତର୍ ନାନୁ ଇଲେଇ ମାପୁରୁଦି ଉଣ୍ଡିଙ୍ଗ ଜିତାମାନା । କ୍ରିସ୍ତଦି ଖାଲେ ଖାନି କୁସକାର୍ ମୁସକୁ ନାନ ବା ସାତାମାନା ।

୨୦ ଆଦେଙ୍ଗ ଇଲେଇ ସତ୍ତତାନ ନାନୁ ମାରି ଜିଏ, ନା ବାନୁ କ୍ରିସ୍ତ ଜିବନ୍ ମାନାନ । ନାନୁ ଇଲେଇ ଆମା ଜିଜି ମାଡ଼ିଜିନା, ଆକା କେବଲ ମାପୁରୁଦି ମାରିନ୍ତି ମୁସକୁ ନା ବିସ୍ବାସତାନ ଆତାମାନାଡ଼, ଏନ୍ ନାଙ୍ଗ ଜିବନ୍ନୋଜି ନା ଉଣ୍ଡିଙ୍ଗ ଖାନି ଜିବନ୍ ସିତାମାନାନ ।

୨୧ ଇୟାଉଣ୍ଡିଙ୍ଗ ମାପୁରୁଦି ଦୟାଦିଙ୍ଗ ନାନୁ ଏସାଙ୍ଗ ଅମାନ୍ୟ କିଏ । ଇରିଙ୍ଗ ଟେବଲ ନିୟମ୍ ମାନାନି ମାଣାନ ଜଦି ଅରେନ୍ ମାପୁରୁଦି ଆଗଡ଼ି ଦାମ୍ ଆଦେଙ୍ଗ ଆବ୍ନାନ, ଆବ୍ତିଙ୍ଗ କ୍ରିସ୍ତଦି ସାନିକା ଇନିକା ସିଲେ ଇଜି ଇନ୍ତେଙ୍ଗ ଆନାଡ଼ ।”

୩

ନିୟମ୍ ସିଲିତିଙ୍ଗ ବିସ୍ବାସ

୧ ଏ ବୁଦିସିଲି ଗାଳାତିୟଦି ଲୋକୁ ! ଏନ୍ ମି ମୁସକୁ ଇୟା ଉପାୟ ଝେରତାମାନାନ ? କୁସକାର୍ ମୁସକୁ ଜିସୁ କ୍ରିସ୍ତଦି ସାତି ବିସୟ ପୁରାନେସନ୍ ଖାଜା ମି ଲାକ୍ତୁ ଝେରଥାଇ ଆତାମାନାଡ଼ ।

୨ ନାଙ୍ଗ ଉନ୍ଶୁ ମାଟା ଇନ୍ଶୁ : ନିୟମ୍ ମାନାଜିନି ମାଣକୁ ମିର୍ ପବିତ୍ରଆତ୍ମାଦିଙ୍ଗ ପୟତିମାନିଦେର୍, ନୋ, ମିର୍ ସୁସମାଚାର ଝେନ୍ଜି ଆବେନ୍ ବିସ୍ବାସ କିଜିନି ମାଣକୁ ?

୩ ମିର୍ ଇନିକା ନିସବା ବୁଜାଦେଙ୍ଗ ଆବ୍ତିଙ୍ଗନିଦେର୍ ? ଆଇଆତ୍ମାଦି ସାକ୍ତିଦାନ ମିର୍ ଆମା ଜିବନ୍ ଆରାମ୍ କିତିମାନିଦେର୍, ନିଜେଦି ସାକ୍ତିଦାନ ଇନିକା ତାନିଙ୍ଗ ପୁରା କିଦେଙ୍ଗ ଅଡ଼ବିଜିନି ?

୪ ଇୟାଉଣ୍ଡିଙ୍ଗ ମି ଝିଜୁ ଏଡ଼କିତିମାଟା ଇନିକା ଖାରଇକା ? ଆବେଶୁକୁ ଇନିକା ଅଡ଼ପବା ଅଜାଇଦେର୍ ?

୫ ମିର୍ କେବଲ ନିୟମ୍ତୁ ବିସ୍ବାସ କିଜିମାନିଙ୍ଗ ଇନିକା ମାପୁରୁ ମିଙ୍ଗ ଖାନି ଆମ୍ ସିତାମାନାନ ମାରି ମି ଲୋଇ ସାକ୍ତିଦି ପାଣିଝିଜୁ ପୁରା କିନାନ, ନୋ, ମିର୍ ସୁସମାଚାର ଝେନ୍ଜି ଆବେନ୍ ବିସ୍ବାସ କିଜିନିଦେର୍ ଇଜି ?

୬ ☆ ମାରି ଅବ୍ରାହାମତି ମାଟା ଏଡ଼ କିନ୍ତୁ । ସାସ୍ତ୍ରଦ୍ୱାରା ସାତାମାନାଡ଼, “ଝାନ୍ ମାପୁରୁଦିମାନୁ ବିସ୍ବାସ କିତାନ୍ ମାରି ଝାନି ବିସ୍ବାସତି ଉଣ୍ଡିଙ୍ଗ୍ ମାପୁରୁ ଝାନିଙ୍ଗ୍ ଦାମ୍ବୁଦିକାନ୍ ଝାଜା ମାନାତାନ୍ ।”

୭ ☆ ଇକା ମିର୍ ନେସ୍ତୁ, ଆମାକାର ବିସ୍ବାସ କିଦେଙ୍ଗ୍ ଡାଟ୍, କେବଲ ଆୟାକାରନେ ଅବ୍ରାହାମତି ସତ୍ତି ମାରିନ୍କୁ,

୮ ଆଗଡ଼ିରାନ୍ ଦାମ୍ବୁସାସ୍ତ୍ରଦ୍ୱାରା ସାତାମାନାଡ଼, ବିସ୍ବାସତାନ୍ ମାପୁରୁ ଅଣଜିହ୍ୱଦି ଲୋକାଙ୍ଗ୍ ବା ଦାମ୍ବୁଦିଲୋକ୍ ଇଜି ମିସାକିନାନ୍ । ଅବ୍ରାହାମତି ଲାକ୍ତୁ ଇୟା ମାଟା ଆଗଡ଼ି ଝେର୍ଆୟାଆତାମାରାଡ଼, “ମି ମାଣ୍ଡୁ ମାପୁରୁ ଦୁନିଆଦି ଝିଜୁ ଲୋକାଙ୍ଗ୍ ଆସିର୍ବାଦ୍ କିନାନ୍ ।”

୯ ଅବ୍ରାହାମ ବିସ୍ବାସ କିଜି ଆସିର୍ବାଦ୍ ପୟତାମାର୍ହାନ୍; ଆଦେଙ୍ଗ୍ ଆମାକାର ବିସ୍ବାସ କିନାର୍, ଝାର୍ ଝିଜେରେ ଝାନି ଝାଜା ଆସିର୍ବାଦ୍ ପୟନାର୍ ।

୧୦ ଏମେକାର୍ ନିୟମ୍ ମାନାନି ମୁସ୍କୁ ଆସା ଇଡ଼ନାର୍, ଝାର୍ ଆନାଦୁରିଆଦି ଲୋଇ ଜିନାର୍ । ଇରିଙ୍ଗ୍ ଦାମ୍ବୁସାସ୍ତ୍ରଦ୍ୱାରା ସାତାମାନାଡ଼, “ମସାଦି ନିୟମ୍ ବଇଦୁ ଆମା ଝିଜୁ ରାସାତାମାନାଡ଼, ଜଦି ଏନ୍ ପୁରାଦାନ୍ ଆକା ମାନାଏନ୍, ଝାନ୍ ମାପୁରୁଦି ଆନାଦୁରିଆଦି ଲୋକୁ ଆନାନ୍ ।”

୧୧ ଆଦେଙ୍ଗ୍ ଇବେଟ୍ତାନ୍ ପୁରାନେସ୍ନିଝାଜା ଝେରାୟାଆନାଡ଼, ନିୟମ୍ତାନ୍ ଏମେ ଲୋକୁ ମାପୁରୁଦି ଆଗଡ଼ି ଦାମ୍ବୁଲୋକୁ ଆଦେଙ୍ଗ୍ ଆଟ୍ଏନ୍, ଇରିଙ୍ଗ୍ ଦାମ୍ବୁସାସ୍ତ୍ରଦ୍ୱାରା ସାତାମାନାଡ଼, “ବିସ୍ବାସତାନ୍ ମାପୁରୁଦି ଲାକ୍ତୁ ଦସ୍ବିଲିକାନ୍ ଝେଙ୍ଗ୍ ଜି ମାନି ଲୋକୁ ନେ କେବଲ ଜିନାନ୍ ।”

୧୨ ମାତର୍ ନିୟମ୍ତି ଝାଲେ ବିସ୍ବାସତି ଇନି ମିସାବିଡ଼ା ସିଲେଡ଼ । ଦାମ୍ବୁସାସ୍ତ୍ରଦ୍ୱାରା ସାତାମାନାଡ଼, “ଏମେ ଲୋକୁ ନିୟମ୍ତି ଦାବିଦି ଝିଜୁ ପାଣି କିନାନ୍, ଝାନ୍ ଜିନାନ୍ ।”

୧୩ ମାତର୍ କ୍ରିସ୍ତ ମା ଉଣ୍ଡିଙ୍ଗ୍ ଆନାଦୁରିଆ ପୟଜି ନିୟମ୍ତୁ ରାସାତି ଆନାଦୁରିଆଦାନ୍ ମାଙ୍ଗ୍ ମୁକୁଡ଼ା କିତାମାନାନ୍ । ଦାମ୍ବୁସାସ୍ତ୍ରଦ୍ୱାରା

ରାସାତାମାନାଡ଼, “ଏନ୍ ମାରାତୁ ଡ଼ଆୟ ଆଜି ସାନାନ୍, ଖାନ୍ ମାପୁରୁଦି ମାଣାନ୍ ଆନାତୁରିଆ ଆନାନ୍ !”

୧୪ ମାପୁରୁ ଅବ୍ରାହାମତିଙ୍ଗ ଏମେ ଆସିର୍ବାଦ୍ ସିଦେଙ୍ଗ୍ ପାରମାଣ୍ କିତାମାର୍ହାନ୍, ଅଣଜିହୁଦି ଲୋକୁ ବା ଏଣ୍ଡେସ୍ ଆକା ପୟ୍ଦେଙ୍ଗ୍ ଆର୍ନାନ୍, ଇୟାଉଣ୍ଡିଙ୍ଗ୍ କ୍ରିସ୍ତ ଜିସୁ ଇୟା ପାଣି କିତାମାନାନ୍ । ଆଦେଙ୍ଗ୍ ବିସ୍ବାସ୍ତାନ ମାପ୍ ବା ମାପୁରୁଦି ସିତିମାନିମାଟା ଇସାବ୍ତାନ ପବିତ୍ର ଆମ୍ବା ପୟ୍ଦେଙ୍ଗ୍ ଆର୍ନାପ୍ ।

ନିୟମ୍ ନି ପାରମାଣ୍

୧୫ ତଡ଼ାନକୁ ନି ତାଙ୍ଗ୍ ! ନାନୁ ଉନ୍‌ଣ୍ଡି ଉପାସ୍ ମାଟା ଇଜିନା, ଏଣ୍ଡିଞ୍ଜାଲେ ରିଏର୍ ଇନି ବିସୟ୍ତାନ ଉନ୍‌ଣ୍ଡି ନିୟମ୍ ମାଟା ଇନାନ୍, ଏନ୍ ଆୟା ନିୟମ୍ ମାଟା ରୁକ୍ତେଙ୍ଗ୍ ଆର୍ଏନ୍ ବା ଆବେ ଇନିକା ମିସାକିଦେଙ୍ଗ୍ ଆର୍ଏନ୍ ।

୧୬ ଅବ୍ରାହାମ ନି ଖାନି କୁଟୁମ୍ବି ଲାକ୍ତୁ ମାପୁରୁ ଖାନି ପାରମାଣ୍ କିତାମାର୍ହାନ୍ । ମାତର ଇୟା ବିସୟ୍ତାନ “ମି କୁଟୁମ୍ବିଞ୍ଜାରି ଉଣ୍ଡିଙ୍ଗ୍,” ଅର୍ତ୍ତାତ୍ ନାଣ୍ଡ ଲୋକା ଉଣ୍ଡିଙ୍ଗ୍ ଇଜି ସାସ୍ତ୍ରୁ ରାସାଏଡ଼ । କେବଲ “ମି କୁଟୁମ୍ ଉଣ୍ଡିଙ୍ଗ୍” ଇଜି ରାସାତାମାନାଡ଼ । ଆଦେଙ୍ଗ୍ ଆୟା ସାସ୍ତ୍ରୁ ରାସାତିକା କେବଲ ଅରେନ୍ ଲୋକ୍, ଅର୍ତ୍ତାତ୍ କ୍ରିସ୍ତୁ ଉଣ୍ଡିଙ୍ଗ୍ ଟିକ୍ ।

୧୭ ନାନୁ ଇନି ଅର୍ତ୍ତ ଆଜିନାଡ଼, ମାପୁରୁ ଅବ୍ରାହାମତି ଖାଲେ ଉନ୍‌ଣ୍ଡି ନିୟମ୍ ତିଆର୍ କିତାମାର୍ହାର୍ ମାରି ଆକା ରକିୟା କିନି ଉଣ୍ଡିଙ୍ଗ୍ ପାରମାଣ୍ କିତାମାର୍ହାର୍ । ଏମେ ନିୟମ୍ ସାରିସ୍ ତିରିସ୍ ବାର୍ସେକ୍ ଖେନ୍‌କା ସିଆୟ୍‌ଆତାଡ଼, ଆକା ଆୟା ରାଜିମାନାଦିଙ୍ଗ୍ ରୁକ୍ସି ମାପୁରୁଦି ପାରମାଣ୍ଡିଙ୍ଗ୍ ତେବାକିଦେଙ୍ଗ୍ ଆର୍ଏଡ଼ ।

୧୮ ମାପୁରୁଦି ପାରମାଣ୍ଡି ଆସିର୍ବାଦ୍ ଜତି ନିୟମ୍ ମାନାନି ମୁସ୍‌କୁ ଆସା ଇତିନାଡ଼, ଆର୍ଡିଙ୍ଗ୍ ଆକା ଖାନି ପାରମାଣ୍ଡି ପଲ୍ ଇଜି ମାରି ଇନାୟ୍ ଆଦେଙ୍ଗ୍ ଆର୍ଏଡ଼ । ଆଦେଙ୍ଗ୍ ମାପୁରୁ କେବଲ ଖାନି ପାରମାଣ୍ଡି ଇସାବ୍ତାନ ଆୟା ଆସିର୍ବାଦ୍ ଅବ୍ରାହାମତିଙ୍ଗ୍ ସିତାନ୍ ।

୧୯ ଆର୍ଡିଙ୍ଗ୍ ନିୟମ୍ ଏନ୍ଦା ସିଆୟ୍‌ଆତାଡ଼ ? ଲୋକା ଅସଡ଼ ପାଣି ଖିଜୁ ତରସି ସିନି ଉଦେସ୍ ମାର୍ହାଡ଼ ମାରି ଅବ୍ରାହାମତି ଆମା

କୁହୁମ୍ଭିଙ୍କ ସୁଦୃଢ଼ ମାପୁରୁ ଆୟା ପାରମାଣ୍ କିତାମାର୍ହାନ, ଆୟା ଲୋକତି ଖାନି ସାନ୍ଦି ନିୟମ୍ଭି ଦରକାର ମାର୍ହାତ୍ । ଅରେନ୍ ଲୋକା ନାଡ଼ିମିଆଜି ମୁସକୁପୁରତି ଦୁଡ଼ମାଣାନ୍ ନିୟମ୍ ସିଆୟ ଆତାମାର୍ହାତ୍ ।

୨୦ ମାତର ପାରମାଣ୍ କିତି ଦାନ୍ତି ଖାଲେ କେବଲ ଉନ୍ଶି ତରିନ୍ ମାର୍ହାର । ଖାନ୍ ଆଜିନାନ୍ ନିଜେ ମାପୁରୁ ।

ନିୟମ୍ଭି ଉଦେସ୍

୨୧ ନିୟମ୍ ଇନିକା ମାପୁରୁଦି ପାରମାଣ୍ଡି ବିରୁଦ୍ କିନାତ୍ ? ସିଲେ, ଏସାଙ୍ଗ୍ ସିଲେ ! ଇରିଙ୍ଗ୍ ଲୋକାଙ୍ଗ୍ ଜିବନ୍ ସିନି ନାନି ଉନ୍ଶି ନିୟମ୍ କିଆୟ ଆତାଡ଼ମାନ୍, ଆରତିଙ୍ଗ୍ ଆକା ମାନାନି ମାଣାନ୍ ନେ ଲୋକ୍ ମାପୁରୁଦି ଆଗ୍ତି ଦସକିଇକାନ୍ ଖାଜା ଖେଙ୍ଗାୟ ଆଦେଙ୍ଗ୍ ଆଡ଼ତାଡ଼ମାନ୍ ।

୨୨ ମାତର ଦାମ୍ବୁସାସ୍ତ୍ରୁ ରାସାତାମାନାତ୍, ଖିଜୁ ଲୋକୁ ଜାତି ପାପ୍ ସାକ୍ତିଦି ଆଡ଼ଗି, ଆଦେଙ୍ଗ୍ ଏଣ୍ଡେସ୍ ଜିସୁ କ୍ରିସ୍ତମାନୁ ବିସ୍ବାସ୍ତି ପଲ୍ ଖାଜା ପାରମାଣ୍ଡାତି ଆସିର୍ବାଦ୍ କ୍ରିସ୍ତ ବିସ୍ବାସିର୍ ପୟନାର ।

୨୩ ବିସ୍ବାସ୍ତି ଜୁଗ୍ ଖାନି ଆଗ୍ତି ମାରି ତରାୟ୍ ଆନି ସାନ୍ଦି ନିୟମ୍ ମା ଖିଜେରିଙ୍ଗ୍ ତରସି ଇଡ଼ତାମାର୍ହାତ୍ ।

୨୪ କ୍ରିସ୍ତଦି ଖାନି ସାନ୍ଦି ନିୟମ୍ ମାଙ୍ଗ୍ ଆତିଗିକିଜି ଇଡ଼ତାମାର୍ହାତ୍; ମାତର ତାନିଝେନ୍କା, କେବଲ ବିସ୍ବାସ୍ତାନ ମାପୁ ମାପୁରୁ ଆଗ୍ତି ଦାମ୍ବୁତିକାର୍ ଇଜି ଖେଙ୍ଗ୍ ନାପ୍ ।

୨୫ ଇଲେଇ ବିସ୍ବାସ୍ତି ଜୁଗ୍ ଇଗା ଖାତାତ୍, ମାପୁ ମାରି ନିୟମ୍ଭି ଆଡ଼ଗି ସିଲେପ୍ ।

୨୬ ବିସ୍ବାସ୍ତାନ କ୍ରିସ୍ତ ଜିସୁଦି ଖାଲେ ଜଡ଼ାଜି ମିର୍ ଖିଜିଦେର୍ ମାପୁରୁଦି କଡ଼ର୍ ଆଇଲିକ୍ ଆତିମାନିଦେର୍ ।

୨୭ ତୁବନ୍ତାନ ମିର୍ କ୍ରିସ୍ତଦି ଖାଲେ ଉନ୍ଶେ ଆତିମାନିଦେର୍ ମାରି ଇଲେଇ ଜିସୁ କ୍ରିସ୍ତଦି ଜିବନ୍ରୁପ ଆଙ୍ଗ୍ ଆରାତିମାନିଦେର୍ ।

୨୮ ଆଦେଙ୍ଗ୍ ଜିହୁଦି ନି ଅଣଜିହୁଦି, କଟିସାକର୍ ନି ମୁକ୍ତାତି ଲୋକୁ, ମେମାରି ବା ଆଇମା ଲୋଇ ମାରି ଇନି ଝେରଏ ସିଲେ । ମିର୍ ଖିଜେରେ ଜିସୁ କ୍ରିସ୍ତଦି ଖାଲେ ଜଡ଼ାଜି ଉନ୍ଶେ ମାନୁ ଆତିମାନିଦେର୍ ।

୨୯ ☆ ଜଦି ମିରୁ କ୍ରିସ୍ତଦି ଲୋକୁ ଆରତିଙ୍ଗ ମିରୁ ଅବ୍ରାହାମତି କୁରୁମ୍ ମାରି ମାପୁରୁ ଆମାକା ପାର୍ମାଣ୍ କିତାମାନାନ୍, ଆକା ଲାବ୍ କିନିଦେବ୍ ।

୪

୧ ମାତର୍ ନାନ୍ ଖେରସିନା ମାରିସି ବୁବାସିଦି ଝିନ୍ତୁ ଦନ୍ତି ଅଦିକାରି, ମାତର୍ ଝିନ୍ତୁ ବିସୟତି ମାଲିକ୍ ଆତିଙ୍ଗ୍ ବା ପିରଞ୍ଜ ବୟସ୍ ମାନି ସାନ୍ଦି ଖାନ ସାକର୍ତି ଖାଜା ତେବାନାନ୍ ।

୨ କଡ଼ ବେଡାଦୁ, ଖାନି ବୁବାସିଦି କିତି ସମୟ୍ ସାନ୍ଦି ଆଇକାର୍ ଜାତୁନ୍ ଅନାର୍ ମାରି ଝିନ୍ତୁ ବିସୟତି ଜାତୁନ୍ କିନାର୍ ।

୩ ଟିକ୍ ଆୟାଖାଜା ମାପ୍ ବା ଆମିକ୍ ଜିବନ୍ତୁ ପିରନ୍ତି ଆଗ୍ତି, ଦୁନିଆ ମୁସ୍କୁ ସାସନ୍ କିଜିମାନି ସାଲିଙ୍ଗା ଦାସ୍ ମାହ୍ କା ।

୪ ସାରାସାରି ଏସ୍ତିଖାଲେ ଟିକ୍ ସମୟ୍ ଖାତାଡ଼, ମାପୁରୁ ଖାନି ନିଜେ ମାରିସିଙ୍ଗ୍ ପକ୍ତାନ୍ । ଅରେଡ଼ ସାମାନ୍ତି ଆଇମା ପଟାଦାନ୍ ଖାନ୍ ଜନମ୍ ଆଜି ଜିହୁଦିଲୋକା ନିୟମ୍ତି ଅଦିକାର୍ତାନ୍ ଜିତାନ୍ ।

୫ ☆ ଏଣ୍ଡେସ୍ ଖାନ୍ ସାମାନ୍ ତାବୁଙ୍ଗ୍ ସିଜି ଆୟା ନିୟମ୍ତି ଗାଟିଦାନ୍ ଆଇଖାରିଙ୍ଗ୍ ମୁକୁଡ଼ା କିନିକା ମାରି ଖାରିଙ୍ଗ୍ ମାପୁରୁଦି ମାରିସି ଆନି ସାରି ସିନିକା ଖାନି ଜିବନ୍ତି ବଦା ମାହାଡ଼ ।

୬ ମିର୍ ଜେ ମାପୁରୁଦି ମାରିସି, ଇକା ପାର୍ମାଣ୍ କିଦେଙ୍ଗ୍ ଇଜି, ମାପୁରୁ ଖାନି ମାରିସିଦି ପବିତ୍ର ଆମ୍ବାଦିଙ୍ଗ୍ ମା ଜିବନ୍ତୁ ପକ୍ତାମାନାନ୍ । ଆୟା ପବିତ୍ର ଆମ୍ବା ଆଉଲିଦାନ୍ ଇଜିନାଡ଼, “ବୁବା ! ଏ ନା ବୁବା !”

୭ ଆଦେଙ୍ଗ୍ ମିର୍ ମାରି କଟିସାକର୍ ଆଇଦେବ୍, ମାତର୍ ମାରିସି ଆତିମାନିଦେବ୍ । ମିର୍ ଖାନି ମାରିସି ଗାଡ଼ିସି ଆତିମାନିଙ୍ଗ୍, ମାପୁରୁ ଖାନି ମାରିନ୍ ଗାଡ଼ିସି ଉଣ୍ଡିଙ୍ଗ୍ ଆମାକା ଇଟା ମାନାର୍, ଆୟାଝିନ୍ତୁ ମିଙ୍ଗ୍ ଦାନ୍ କିନାନ୍ ।

ଗାଳାତିୟ ଲୋକା ଉଣ୍ଡିଙ୍ଗ୍ ପାଉଲତି ସିନ୍ତା

୮ ଆଗତି ମିର୍ ମାପୁରୁଙ୍କୁ ନେସଇମାହ ଦେର, ଆଦେଙ୍କୁ ଏମେକାର ସତ୍ତାନ୍ ମାପୁରୁ ଆଏର, ଆୟାନାନି ମିର୍ ଦିୟାମ୍ବା ଦାସ ମାହ ଦେର ।

୯ ମାତର୍ ଇଲେଇ ମିର୍ ମାପୁରୁଙ୍କୁ ନେସତିମାନିଦେର, ମାରିବା ନାନୁ ଇନା, ଇଲେଇ ମାପୁରୁ ମିଙ୍କୁ ନେସତାମାନାନ୍ । ଆଟିଙ୍କୁ ଇକା ଏଣ୍ଡେସ ଆଦେଙ୍କୁ ଆଟନାତ୍ ଜେ, ମିର୍ ମାରିଡେସି ଆୟା ବପୁସିଲି, ଇନିକାସିଲି ଦିୟାମ୍ବା ଲାକ୍ତୁ ଡେସି ସନଡ୍ରେଙ୍କୁ ବଦାକିଜିନିଦେର ? ମିର୍ ଏୟା ମାରିଡେସି ଆୟାଞାନିକା ଦାସ ଆଦେଙ୍କୁ ବଦା କିଜିନିଦେର ?

୧୦ ଦୁକ୍ତି ମାଟା, ମିର୍ ଏସ ଦିନ୍, ଲେଜୁ, କାଡା ନି ବାର୍ସୁ ଉଣ୍ଡିଙ୍କୁ ମନ୍ଦିୟାନ୍ ସିଜିନିଦେର ।

୧୧ ନାନୁ ମି ଉଣ୍ଡିଙ୍କୁ ନାଣ୍ଡ ସିନ୍ତା କିଜିନା । ମି ଉଣ୍ଡିଙ୍କୁ ନା ଖିଜୁ ପାଣି ଇନିକା ବେକାର୍ ଆତାମାନାତ୍ ?

୧୨ ତଡାନୁ ନି ତାଙ୍ଗୁକ୍, ମିଙ୍କୁ ବାତିଙ୍କୁ ମାଲ୍ଲଜିନା, ନା ଖାଜା ଆଦୁ । ନାନୁ ମି ଖାଜା ଆତାମାନା ମାରି ମିର୍ ନା ଉଣ୍ଡିଙ୍କୁ ଇନି ଅନ୍ୟାୟ କିଜଦେର ।

୧୩ ନାନୁ ଆଗତି ଏୟା ମି ଲାକ୍ତୁ ସୁସମାଚାର ପ୍ରଚାର କିତାମାର୍ହା, ଆକା ଏଡ୍ କିଦୁ । ନାସ୍ତିଖାଲେ ନା ମେନ୍ଦଲ୍ ନେଗେନ୍ ସିଲେତାଆକା ଆୟାଞାଜା କିତାମାର୍ହା ।

୧୪ ମାତର୍ ନା ମେନ୍ଦଲ୍ତି ଅବସ୍ଥା ମି ତରିନ୍ ରିସାଦିଞାଜା ଆତିମାର୍ଜଇରିଙ୍କୁ, ନିନ୍ ନାଙ୍ଗୁ ଅମାନ୍ୟ ନି ଡିସଇତି ମାର୍ଜଇ, ମାତର୍ ନାଙ୍ଗୁ ଉନ୍‌ଶି ମୁସକୁପୁରତି ଦୁଡ୍ ଖାଜା ମାନାତିମାହ ଦେର । କ୍ରିସ୍ତି ଜିସୁଙ୍କୁ ନିନ୍ ଏଣ୍ଡେସ ମାନାତିଦେରମାନ୍, ଆୟାଞାଜା ନାଙ୍ଗୁ ବା ମାନାତିମାହ ଦେର ।

୧୫ ମିର୍ ଏୟା ଖେଡିକା ସିଲିତିଦେର ! ମାତର୍ ଇଲେଇ ଇନିକା ଆତାମାନାତ୍ ? ମି ବିସୟତାନ୍ ନାନୁ ଇୟା ସାକିୟ୍ ତାଟତାନ୍ ଇନ୍‌ଡ୍ରେଙ୍କୁ ଆଟନା ଜେ, ଆଦେଙ୍କୁ ଆଟିଙ୍କୁ, ମିର୍ ନିଜେ ନିଜେଦି କାଣ୍ଡୁକୁ କୁଡସି ତାସି ନାଙ୍ଗୁ ସିଦେଙ୍କୁ ଆଟିଦେରମାନ୍ ।

୧୬ ମାତର୍ ଇଲେଇ ନାନୁ ସଡ୍ ଇର୍ଆ ମାନାଆକା ଇନିକା ମି ସାଡୁ ଆତାମାନା ?

୧୭ ଆୟା ଆଇ ଲୋକୁ ମି ନେଗେନ୍ କିନି ଉଣ୍ଡିଙ୍ଗ୍ ନାଣ୍ଡୁ ଖେଡ଼ିକା ତରୁଆୟ ଆନାଡ଼ । ମାତର୍ ଇବେ ଖାରି ସଡ଼ ଉଦେସ୍ ସିଲେଡ଼ । ଖାରି ଉନ୍ଦେମାତର୍ ବଦା, ଏଣ୍ଡେସ୍ ମିର୍ ନା ଉଣ୍ଡିଙ୍ଗ୍ ଝେର୍ଏ ଆଜି ଖାରି ଉଣ୍ଡିଙ୍ଗ୍ ମନ୍ ସିନିଦେର୍ ।

୧୮ ସଡ଼ ଉଦେସ୍ ଅସି ଖେଡ଼ିକା ଆନିକା ସାଲାକି, କେବଲ ନାନୁ ମି ଖାଲେ ତେବାତିମାରଇ ବେଡ଼ାଦୁ ସିଲେ, ମାତର୍ ଖିଜୁଦିନ୍ ମିର୍ ତେନି ସଡ଼ତିକା ତରନିକା ମାନାଡ଼ ।

୧୯ ଏ ନା ଲାଡ଼ତି କଡ଼ର୍, ମିଙ୍ଗ୍ କ୍ରିସ୍ତି ଖାଜା କିଜି ତିଆର୍ କିଦେଙ୍ଗ୍ ନାନୁ ମାରିଡେସି ଜନମ୍ କିନି ଖିସାମ୍ କାସ୍ ଏଡ଼ କିଜିନା ।

୨୦ ନାନୁ ଇଲେଇ ମି ଲାକ୍ତୁ ତେବାତାମାନ୍ ଇଜିନା ବଦା, ଆଡ଼ତିଙ୍ଗ୍ ଆନାଡ଼ ମି ବିସୟତାନ୍ ନା ଆଇ ରକମ୍ତି ସିନ୍ତା ଆତାଡ଼ମାନ୍ । ସଡ଼ତାନ୍ ମି ଉଣ୍ଡିଙ୍ଗ୍ ନାନୁ ନାଣ୍ଡୁ ସିନ୍ତାକିଜିନା ।

ହାଗାର୍ ନି ସାରାଦି କାତା

୨୧ ଏମେକାର୍ ନିୟମ୍ତି ଆଡ଼ଗି ତେବାଦେଙ୍ଗ୍ ବଦାକିନାର୍, ନାନୁ ଖାରିଙ୍ଗ୍ ଝେନ୍‌ବାନା, ନିୟମ୍ତୁ ଇନିକା ରାସାତାମାନାଡ଼, ଆକା ମିର୍ ନେସ୍‌ଇଦେର୍ ?

୨୨ ଆବେ ରାସାତିମାନି, ଅବ୍ରାହାମତି ରିଏର୍ ମାରିସିର ମାର୍ହାର୍, ଅରେନ୍ କଟିଆଇମାଦି ମାରିସି ମାରି ଆଇକାନ୍ ଖାନି ନିଜେଦି ଆଡ଼ସିଦି ମାରିନ୍ ।

୨୩ କଟିଆଇମାଦି ମାରିସି ମାମୁଲିଦାନ୍ ଜନମ୍ ଆତାମାର୍ହାନ୍ । ମାତର୍ ଖାନି ନିଜେ ଆଡ଼ିଦି ମାରିନ୍ ମାପୁରୁଦି ପାର୍‌ମାଣ୍ ଇସାବ୍‌ତାନ୍ ଜନମ୍ ଆତାମାର୍ହାନ୍ ।

୨୪ ତେନିଙ୍ଗ୍ ଉନ୍‌ଣ୍ଡି କାତା ଖାଜା ଆସ୍‌ତେଙ୍ଗ୍ ଆନାଡ଼ । ଇୟା ରୁଣ୍ଡି ଆଇମେକ୍ ରୁଣ୍ଡି ନିୟମ୍ତି ଖାଜା । ଆମାତାନି ମାରିସି ଦାସ୍ତି ଗାଟିଦାନ୍ ଜନମ୍ ଆତାମାର୍ହାନ୍, ଆୟା ହାଗାର୍, ସିନୟ ଗରନ୍‌ତାନ୍ ଖାତିମାନି ନିୟମ୍ତି ସିନା ଖାଜା ।

୨୫ ଆରବ ଦେସ୍‌ତୁ ମାନି ସିନୟ ଗରନ୍‌ତି ଖାଜା ହାଗାର୍ ଇଲେଇତି ଜିରୁସାଲାମ୍ ଗାଡ଼ ଖାଜା । ହାଗାର୍ ଖାଜା ଜିରୁସାଲାମ୍ ନି ଆବେଣି ଲୋକୁ ଇଲେଇ ଦାସ୍ତି ଗାଟିଦୁ ତରାୟ ଆତାମାନାର୍ ।

୨୭ ମାତର ମୁସକୁପୁରତି ଜିରୁସାଲାଇ ମୁକୁଡ଼ାତାମାନାତ୍ ମାରି
ଆକା ମା ଯାୟା,

୨୮ ଇରିଙ୍ଗ୍ ସାସ୍ତ୍ରଦୁ ରାସାତାମାନାତ୍,
“ଏ ବାଞ୍ଜି ଆଇମା, ନିନ୍ନୁ ଖେଡ଼ିକା ଆଆ !
ଏସକାଙ୍ଗ୍ ଜନମ୍ କିନି ଝିସାମ୍ ନେସ୍‌ଇମାରିଙ୍ଗ୍ ବା,
ଖେଡ଼ିକା ଆଆ ।

ଇରିଙ୍ଗ୍ କିନ୍‌ଲିଖାଲେ ତେବାଜିମାନି ଆଡ଼ି ବାଦ୍‌ଲୁ
ଅରେଡ଼ ଡ଼ିସ୍‌ତି ଆଇମାଦି କଡ଼କକ୍ତାରି ସଂକିୟା ନାଣ୍ଡ ଆନାର୍
।”

୨୯ ଏ ତଡ଼ାନକୁ ନି ତାଙ୍ଗ୍‌କି, ଇସ୍‌ହାକ୍‌ତି ଖାଜା ଇଲେଇ ମିର୍
ମାପୁରୁଦି ପାର୍‌ମାଣ୍ କିତି କଡ଼ର୍ ।

୩୦ ଅର୍‌ଲେନ୍ ନେସ୍‌ନିଖାଜା ଜନମ୍ କିତିମାନି ମାରିସି ମାପୁରୁଦି
ପବିତ୍ର ଆମ୍‌ଦି ମାଣାନ୍ ଜନମ୍ ଆତିମାନି ମାରିସିଙ୍ଗ୍ କାସ୍ତୁ
ସିତାମାର୍‌ହାର୍ । ଆୟାଖାଜା ଇଲେଇବା କିଜିନିଦେର୍ ।

୩୧ ମାତର ଇୟା ବିସ୍‌ୟତାନ୍ ଦାମ୍‌ସାସ୍ତ୍ର ଇନିକା ଇନାତ୍ ? ଆବେ
ରାସାତାମାନାତ୍, “କଟିଦାସି ନି ତାନି ମାରିସିଙ୍ଗ୍ ପେର୍‌ଦୁ, ଇରିଙ୍ଗ୍
ନିଜେ ଆଇମାଦି ମାରିସି ଖାଲେ କଟିଦାସିଦି ମାରିସି ବୁବାରି ଦନ୍‌ତୁ
ମିସାଦେଙ୍ଗ୍ ଆର୍‌ଏନ୍ ।”

୩୨ ଆଦେଙ୍ଗ୍ ଏ ନା ତଡ଼ାନକୁ ତାଙ୍ଗ୍‌କ୍, ମାତ୍ କଟିଦାସିଦି
କଡ଼ର୍ ଆଏର୍, ମାତର ପେଡ଼ିଆତି ଆଇମାଦି କଡ଼ର୍ ଖାଜା ।



ମି ମୁକୁଡ଼ାତି ତାନିଙ୍ଗ୍ ନେଗେନ୍ ଇଡ଼ବୁ

୧ ମାତ୍ ମୁକୁଡ଼ାତିମାନିକା । କ୍ରିସ୍ତ ମାଙ୍ଗ୍ ମୁକୁଡ଼ାକିତାମାନାତ୍ ।
ଆଦେଙ୍ଗ୍ ମିର୍ ମୁକୁଡ଼ାତିମାନୁ ତାଟ୍ ତେବାଦୁ । ମାରିଡ଼େସି ଦାସ୍‌ତି
ପୁଦିଦୁ ତର୍‌ଆୟାଆଦେଙ୍ଗ୍ ଇଜି ନିଜେଦିଙ୍ଗ୍ ଜାସାୟ ଆମାଟ୍ ।

୨ ନାନୁ ପାଉଲ, ଆମାକା ଇଜିନା ଝେନ୍‌ଶ୍ଟ୍ ମିର୍ ଜଦି ସୁନ୍‌ତ
ନିୟମ୍ ମାନାନିଦେର୍, ତାନି ଅର୍ତ୍ ଆନାତ୍, ମି ଉଣ୍ଡିଙ୍ଗ୍ କ୍ରିସ୍ତଦି ଇନି
ଲାବ୍ ସିଲେଡ଼ ।

୩ ଏମେ ଲୋକ ସୁନ୍ନତ ଆନାନ୍, ନାନୁ ୱାନିଙ୍ଗ୍^୯ ମାରିଉନ୍‌ଶ୍ଟି ଦେବା ଜାଗାରତା କିଜିନା ଜେ, ମସାଦି ନିୟମତିଙ୍ଗ୍^୯ ପୁରା ମାନାନିକା ୱାନି ପାଣି ।

୪ ମି ଲୋଇ ଏମେକାର୍ ନିୟମ୍ ମାନାନି ମାଣ୍‌କୁ ମାପୁରୁ ଆଗଡ଼ି ଦାମ୍‌ତିକାର୍ ଆଦେଙ୍ଗ୍ ଇଜି ସେସ୍ତା କିଜିନାର୍, ୱାର୍ ନିଜେ ନିଜେଦିଙ୍ଗ୍^୯ କ୍ରିସ୍ତମାଣ୍‌କୁ ୱେର୍‌ଏ କିତାମାନାର୍, ୱାର୍ ମାପୁରୁଦି ଦୟାଦାନ୍ ଆକ ଆତାମାନାପ୍ ।

୫ ମାତର୍ ମାପ୍ ଆସା କିଜିନାପ୍ ଜେ, ମାପୁରୁ ମାଙ୍ଗ୍^୯ ୱାନି ଆଗଡ଼ି ଦସ୍‌ସିଲିକାର୍ ୱେକ୍‌ନାନ୍; ମା ବିସ୍‌ବାସ୍‌ତି ପଲ୍ ୱାଜା, ମା ଲୋଇ ପାଣି କିଜିମାନି ଆଇଆମ୍‌ଦି ସାକ୍ତିଦାନ୍ ଇକା ପୁରା ଆନାଡ଼ ଇଜି କାପକିତା ତେବାତାମାନାପ୍ ।

୬ ଇରିଙ୍ଗ୍^୯ କ୍ରିସ୍ତ ଜିସୁଦି ୱାଲେ ମିସାଜି ଜିତିଙ୍ଗ୍^୯, ସୁନ୍ନତ ମାରି ଅସୁନ୍ନତି ଇନି ଅଲଗା ସିଲେଡ଼ । ଉନ୍‌ଡ୍ରେନେ ଦର୍କାର୍ ବିସୟ୍ ଆଜିନାଡ଼, ବିସ୍‌ବାସ୍‌ତୁ ତାଟ୍ ତେବାଜି ଜିବନ୍‌ନୋଜି ପାଣି କିନିକା ।

୭ ମିର୍ ନେଗେନ୍‌ତାନ୍ ଆଗଡ଼ି ସଲ୍‌ସିମାହ୍ ଦେର୍ । ସଡ଼ସାରିତୁ ବୁଲାନିଝାଲେ, ଏନ୍ ମିଙ୍ଗ୍^୯ ବାଦା ସିତାନ୍ ? ମିଙ୍ଗ୍^୯ ବୁଲ୍ ସାରିତୁ ସନ୍‌ଡ୍ରେଙ୍ଗ୍ ୱାନ୍ ଏଣ୍ଡେସ୍ ୱେର୍‌ତାନ୍ ?

୮ ମିଙ୍ଗ୍^୯ କୁକ୍‌ତିମାନି ମାପୁରୁଦି ତରିଟାନ୍ ଇକା ଆଏଡ଼ ।

୯ ମାଟାବୁ ମାନାଡ଼, “ପିଡ଼୍‌ସିତିମାନି ଦୁର୍‌ତିଙ୍ଗ୍^୯ ଉଦିସ୍‌ତେଙ୍ଗ୍^୯ ଇଜି କାଣ୍ଡେକ୍ ମାତର୍ କମିର୍ ଦର୍କାର୍ ।”

୧୦ ଆକା ଆମାକାଆପିଡ଼, ଇୟାସାନ୍ ମି ମୁସ୍‌କୁ ନା ଆସା ମାନାଡ଼ । ଇୟାଉଣ୍ଡିଙ୍ଗ୍ ମାଡ଼ ୱିଜେରେ ପ୍ରବୁଦି ୱାଲେ ମିସାତାମାନାପ୍, ନା ତାଟ୍ ବିସ୍‌ବାସ୍, ମିର୍ ନା ମାଟାଦିଙ୍ଗ୍^୯ ବିରୁଦ୍ କିଇଦେର୍ । ମାରି ଏମେ ଲୋକ୍ ମିଙ୍ଗ୍^୯ ବାୟା କିଜିନାନ୍, ୱାନ୍ ଆମାକାନ୍ ଆପିନ୍ ନେ, ୱାନିଙ୍ଗ୍^୯ ମାପୁରୁ ଦଣ୍ଡ ସିନାନ୍ ।

୧୧ ମାତର୍ ତଡାନ୍‌କୁ ନି ତାଙ୍ଗ୍^୯କି, ନାନୁ ଜଦି ନେର୍ ସାନ୍ ସୁନ୍ନତ୍‌ଦି ଦର୍କାର୍‌ତି ତରିଟାନ୍ ପ୍ରଚାର୍ କିଜିମାନା, ଆଡ଼ତିଙ୍ଗ୍^୯ ନାନୁ ଇଲେଇବା ଏନ୍ଦା ତାଡନା ପୟ୍‌ଜିନା ? ଜଦି ଆକା ନାନୁ କିଜିମାନା,

ଆରତିଙ୍କୁ ଆୟା ବେଗି ବେଗି କ୍ରିସ୍ତଦି କ୍ରୁସକାର ବିସୟତାନ୍ ପ୍ରଚାର କରି ମାଣାନ୍ ନା ଇନି ବାଦା ଆଏତାତମାନ୍ତି ।

୧୭ ନାନ୍ତୁ ବଦାକିନା, ଇୟା ବିସୟତାନ୍ ଏର୍ ମିଙ୍ଗୁ ବାମ୍ରେ କିଜିନାର୍, ଝାର ମାରି ଅଡ଼ପ୍ ଆରୁତି ସଲିର୍ । କେବଲ ସୁନ୍ନତ ଆଏନ୍‌ଶ୍ଟା ନିଜେଦି ବପୁ ଆରାକିନାର୍ ।

୧୮ ଏ ତଡ଼ାନ୍‌କୁ ନି ତାଙ୍ଗୁକି, ମିର୍ ମୁକ୍ତାଦେଙ୍ଗୁ ଇଜି କୁକାତିମାହୁ ଦେର୍ । ମାତର୍ ଜାଗାର୍‌ତା, କେବଲ ମେନ୍‌ଲତିଙ୍ଗୁ ଲାଲାୟ ଆନି ଉଣ୍ଡିଙ୍ଗୁ ଆୟା ମୁକ୍ତାତିକା ଏଣ୍ଡେସ୍ ବାଡିସ୍ ଝାଜା ବ୍ୟବହାର କିମାଟ୍ । ମାତର୍ ଜିବନ୍‌ନି ମାଣାନ୍ ସାଲାଜି ମିର୍ ନିଜେନିଜେଦି ସେବା କିଦୁ ।

୧୯ ଇରିଙ୍ଗୁ ଉନ୍‌ଶ୍ଟି ବାକ୍ୟଦୁ ଝିଜୁ ନିୟମ୍‌ତି ଅରଡ଼ ରାସାତାମାନାଡ଼, “ମି ଲାକ୍‌ତୁରି ଲୋକାଙ୍ଗୁ ନିଜେଦିଙ୍ଗୁ ଜିବନ୍‌ନୋତିଝାଜା ନୋଦୁ ।”

୨୦ ମାତର୍ ଜଦି ମିର୍ ବନ୍‌ତି ପସୁ ଝାଜା ବୁଲାସାଲା ଆଜି ନିଜେନିଜେଦିଙ୍ଗୁ ଡାକ୍‌ସି ମାନିଦେର୍ ମାରି ନିଜେନିଜେଦିଙ୍ଗୁ ନାସ୍ କିଜିମାନିଦେର୍, ଆରତିଙ୍ଗୁ ଜାଗାର୍‌ତା ମାନ୍‌ଡୁ, ସିଲ୍‌ତିଙ୍ଗୁ ଆନାଡ଼ ମିର୍ ନିଜେନିଜେଦିଙ୍ଗୁ ପୁରା ନାସ୍ କିନିଦେର୍ ।

ପବିତ୍ର ଆମ୍ବା ନି ଲୋକା ଗୁଣ୍

୨୧ ନା ଝେର୍‌ନି ମାଟା ଆତାଡ଼ : ପବିତ୍ର ଆମ୍ବା ମି ଜିବନ୍‌ତିଙ୍ଗୁ ସାଲାକିପିଡ଼ । ଆରତିଙ୍ଗୁ ମିର୍ ମାରି ଲୋକା ଗୁଣ୍‌ତି ଆସାଦିଙ୍ଗୁ ନାସ୍ କିଜେଦେର୍ ।

୨୨ ଲୋକା ଗୁଣ୍ ପବିତ୍ରଆମ୍ବାଦି ବଦାଦି ବିରୋଦ୍ । ଆୟାଝାଜା ପବିତ୍ରଆମ୍ବାଦି ବଦା, ଲୋକା ଗୁଣ୍‌ତି ବିରୋଦ୍ । ଇକାନ୍ ନିଜେ ନିଜେଦି ସାଡୁ । ଆଦେଙ୍ଗୁ ମିର୍ ଆମାକା କିଦେଙ୍ଗୁ ବଦା କିନିଦେର୍, ଆକା କିଦେଙ୍ଗୁ ଆଟ୍‌ଇଦେର୍ ।

୨୩ ଜଦି ପବିତ୍ରଆମ୍ବା ମିଙ୍ଗୁ ସାଲାକିନାଡ଼, ଆରତିଙ୍ଗୁ ମିର୍ ମାରି ନିୟମ୍‌ତି ଆତିଗି ସିଲେ ।

୧୯ ମେନ୍ଦଲ୍‌ତି ପାଣିଝିକୁ ନେଗେନ୍‌ତାନ୍ ନେସ୍‌ତିମାନିଦେର୍ ଦାରିପାଣି, ତାଗ୍‌ଜକା,

୨୦ ଲାଲାୟ ଆନିକା, ବମା ପୁଜା, ଜାବୁବିଦ୍ୟା ଗୁଣିଆ, ସାବୁ, ଜାଟି, ଆକାର୍, ରିସା, ନିଜେଦି ସୁଣିକା, ଦଲ୍‌ଆନିକା ଆସା,

୨୧ ରିସା ନି ସସ୍‌ନିକା ମାରି ରଙ୍ଗରସ୍ ଝିକୁ ରମ୍‌ତି ପାଣି ଝିକୁ; ନାନୁ ଆଗ୍‌ଡି ଏଣ୍‌ସ୍ ଇର୍ହାମାର୍ହା, ଆୟାଝାଜା ଆଗ୍‌ଡିରାନ୍ ଇଜିନା ଜେ, ଏମେକାର୍ ଇୟାଝିକୁ ରକମ୍‌ତି ପାଣି କିନାର୍, ଝାର୍ ମାପୁରୁଦି ରାଜିଦି ଅଦିକାରି ଆଦେଙ୍ଗ୍ ଆର୍‌ଏର୍ ।

୨୨ ମାତର୍ ଆମ୍‌ଦି ଦାନ୍ ଆଜିନାଡ୍; ଜିବନ୍‌ନୋନିକା, ଝେଡିକା, ସାକ୍ତି, ସାସ୍‌ଆନିକା, ଦୟା, ନେଗିକା, ବିସ୍‌ବାସ୍,

୨୩ ଡିରଜିବନ୍ ମାରି ଆମ୍‌ ରକିୟା ଇୟାଝିକୁ ବିରୁଦ୍‌ତାନ୍ ଆମାଈନି ନିୟମ୍ ସିଲେଡ୍ ।

୨୪ ଏମେକାର୍ କ୍ରିସ୍ ଜିସୁଦିକାର୍, ଝାର୍ ଝିକୁ ଆସାନି ଆସାଦି ଲୋକା ଗୁଣୁତିଙ୍ଗ୍ କୁସଦୁ ତାକ୍‌ତାମାନାନ୍ ।

୨୫ ପବିତ୍ରଆମ୍‌ ମାଙ୍ଗ୍ ଜିବନ୍ ସିତାମାନାଡ୍, ଝାନ୍ ମା ଜିବନ୍‌ଡିଙ୍ଗ୍ ବା ସାଲାକିପିଡ୍ ।

୨୬ ଆଦେଙ୍ଗ୍ ଗର୍ବ କିନିକା ମାରି ଆଇଝାରିଙ୍ଗ୍ ରିସା କିନିକା ମାରି ଆମାଝାନିଙ୍ଗ୍ ରିସା କିନିକା ମାଙ୍ଗ୍ ନେଗେଡ୍ ସିଲେଡ୍ ।



ନିଜେନିଜେଦି ବଜୁ ପିଣ୍ଡୁ

୧ ଏ ତଡାନ୍‌କୁ ନି ତାଙ୍ଗ୍ କି ! ଜଦି ଅରେନ୍ ତାଗ୍‌ଲ ପାଣିଦୁ ଦାରା ପଡାନାନ୍, ମି ଲୋଇ ଏମେକାର୍ ପବିତ୍ରଆମ୍‌ଦି ମାଣାନ୍ ସାଲାନାନ୍, ଝାର୍ ଝାନିଙ୍ଗ୍ ବୁଜାକିନିକା ମାନାଡ୍, ମାତର୍ ମିର୍ ଇୟା ପାଣି ନେଗେନ୍‌ତାନ୍, ସାକ୍ତିଦାନ୍ କିନିକା ମାନାଡ୍ । ମାରି ଜାଗାର୍‌ତା, ନିଜେ ଏଣ୍‌ସ୍ ଆୟାଝାଜା ପାଣି କିଦେଙ୍ଗ୍ ଲାଲାୟ ଆମାଟ୍ ।

୨ ନିଜେନିଜେଦି ବଜୁ ପିଣ୍ଡୁଦେଙ୍ଗ୍ ଇଜି ସାହାଜ୍ୟ କିଦୁ । ଇକା କିନି ମାଣାନ୍ ମିର୍ କ୍ରିସ୍‌ଦି ମାଟା ମାନାନିଦେର୍ ।

୩ ନେସ୍‌ଏଜି ବା ଜେ ନିଜେଦିଙ୍ଗ୍ ନେସ୍‌ତାମାନା ଇଜି ଅଡ୍‌ବିଡିଙ୍ଗ୍, ଝାନ୍ ନିଜେଦିଙ୍ଗ୍ କେବଲ ଟକେ କିଜିନାନ୍ ।

୪ ଓଜେରେ ନିଜେ ନିଜେଦି ସାଲାବୁଲାନିକା ବିଚାର କିଛି ସୁଣି ଦରକାର । ଜଦି ଆକା ନେଗିକାଆନାଡ଼, ଆୟାଉଣ୍ଡିଙ୍କୁ ଝାନ୍ ନିଜେଦିଙ୍କୁ ଜିଣାତିକାନ୍ ଇଜି ଅଡ଼ବିତାମାନା ମାରି ଆଇଝାନି ପାଣିଦି ଝାଲେ ନିଜେଦି ଜିଣାନିତାନିଙ୍କୁ ତୁସ୍‌ସି ଝାନ୍ ଗର୍ବ କିମାକିନ୍ ।

୫ ଇରିଙ୍କୁ ଓଜେରିଙ୍କୁ ନିଜେ ନିଜେଦି ବହୁ ପିଣ୍ଡଦେଙ୍କୁ ପଡ଼ାନାଡ଼ ।

୬ କ୍ରିସ୍ତଦି ସୁସମାଚାର ଅଜାନି ଝାଲେ ସିକିୟାସିନି ଗୁରୁଙ୍କୁ ନିଜେ ପୟଜି ମାନି ଓଜୁ ନେଗି ବିସୟତି ମିସାକିନିକା ମାନାଡ଼ ।

୭ ମାପୁରୁ ଟକେ ଆଏନ୍ : ଆକା କିଦେଙ୍କୁ ସଲ୍‌ସି ମିରୁ ନିଜେ ଟକେ ଆମାଟ୍ । ଲୋକୁ ଆମାକା ଓଡ଼ନାର୍, ଆକାନେ କୟନାର୍ ।

୮ ଏନ୍ ଦୁନିଆ ଇସାବତାନ୍ ଆସାଦି କିଡ଼ିଇଦୁ ଓଡ଼ୁ ଓଡ଼ନାନ୍, ଝାନ୍ ସାନି ରୁପ୍‌ତି ପାସି ଉଣ୍ଡା କିନାନ୍ । ଜଦି ଝାନ୍ ପବିତ୍ର ଆମ୍‌ଦି କିଡ଼ିଇଦୁ ଓଡ଼ନାନ୍, ଆଡ଼ତିଙ୍କୁ ଏସକାଙ୍କୁଓଜିଇ ଜିବନ୍‌ତି ପାସି ଉଣ୍ଡା କିନାନ୍ ।

୯ ଆଦେଙ୍କୁ ସଡ଼ପାଣି କିଦେଙ୍କୁ ମାଡ଼ ଝାଦ୍‌ନି ନେଗେଡ଼ ସିଲେ । ଇରିଙ୍କୁ ଆବେଟାନ୍ ଝାନ୍‌ଏଡିଙ୍କୁ, ଟିକ୍ ସମୟତୁ ମାଡ଼ ପାସି ଉଣ୍ଡାକିଦେଙ୍କୁ ଆଡ଼ନିକା ।

୧୦ ଆଦେଙ୍କୁ ଏସ ଦେବେଙ୍କୁ ସାରି ପୁଟନାଡ଼, ଓଜୁଦିନ୍ ଓଜେରି, ବିସେସକିଜି ଏମେକାର୍ ମା ବିସ୍‌ବାସି ପରିବାରତୁ, ଝାରି ନେଗିକା କିନିକା ମା ପାଣି ।

ସାରାସାରି ଜାଗାର୍‌ତା ମାଟା ନି ମାଡ଼ିସକିନିକା

୧୧ ସୁଡ଼ୁ, ଏସ ପେରି ପେରି ଅଇକର୍‌ତାନ୍ ନିଜେଦି କିୟୁଦାନ୍ ନାନ୍ ମିଙ୍ଗୁ ଇକା ରାସସିନା ।

୧୨ ଏମେକାର୍ ଆଡ଼ରେଦି ବିସୟତିଙ୍କୁ ତର୍‌ଆଇ ଆନାର୍ ମାରି ପେରିକାର୍ ତରନାର୍, ଝାର୍ ନେ ମିଙ୍ଗୁ ସୁନ୍ନତ ଆଦେଙ୍କୁ ଜାସେ କିଜିନାର୍ । କ୍ରିସ୍ତଦି କୁସ ଉଣ୍ଡିଙ୍କୁ ତାଡ଼ନା ବର୍ କିଇ ଇସାବତାନ୍ ଝାର୍ ଇକା କିଜିନାର୍,

୧୩ ଏମେକାର୍ ସୁନ୍ନତ ନିୟମ୍ ମାନାନାର୍, ଝାର୍ ବା ମସାଦି ନିୟମ୍ ମାନାଏର୍ । ମିର୍ ସୁନ୍ନତ ଆଦୁ ଇଜି ଝାର୍ ବଦାକିଜିନାର୍ । ଇକା ମେନ୍‌ଲ୍‌ତି ନିୟମ୍ ମାନାଦେଙ୍କୁ ଇଜି ମିଙ୍ଗୁ ଟକେ କିଦେଙ୍କୁ ଆଡ଼ତିଙ୍କୁ, ଝାର୍ ଗର୍ବ କିନାର୍ ।

୧୪ ମାତର ନାନୁ କେବଳ ମା ପ୍ରବୁ ଜିସୁ କ୍ରିସ୍ତଦି କୁସ ବିସୟତାନ୍ ଗର୍ବ କିଜିନା; ଇରିଙ୍ଗ୍ ଖାନି କୁସ ଉଣ୍ଡିଙ୍ଗ୍ ଦୁନିଆ ନା ଉଣ୍ଡିଙ୍ଗ୍ ସାତାମାନାତ୍ ମାରି ନାନୁ ଦୁନିଆ ଉଣ୍ଡିଙ୍ଗ୍ ସାତାମାନା ।

୧୫ ଏନ୍ ସୁନ୍ନତ ମାରି ଅସୁନ୍ନତ, ଆବେନ୍ନୁ ଇନିକା ସଲ୍‌ଏଡ୍ ରେଏଡ୍, ପୁନି ଜନମ୍ ନେ ସଡ୍ ବିସୟ ।

୧୬ ଏମେକାର୍ ନିଜେଦି ଜିବନ୍‌ତୁ ଇୟା ନିତି ମାନାନାର୍, ଖାର୍ ଝିଜେରେ ମାରି ମାପୁରୁଦି ଇସ୍ରାଏଲ୍‌ତି ଲୋକୁ ଝିଜେରେ ଜିବନ୍‌ତୁ ସାନ୍ତି ପୟନାର୍ ମାରି ଦୟା ଏଡ୍ କିପିର୍ ।

୧୭ ସାରାସାରି, ନା ନିସନେ ଝେର୍‌ନି ମାଟା, ନାଙ୍ଗ୍ ମାରି ଏନ୍ ଦୁକୁ ସିମାକିନ୍ । ଇରିଙ୍ଗ୍ ନା ମେନ୍‌ଲ୍‌ତୁ ଏମେ ଝିଜୁ ଗାଉ ସିନା ମାନାତ୍, ଆବେଣାନ୍ ତରାଜିନାତ୍ ଜେ, ନାନୁ ଜିସୁଦି ଦାସ୍ ।

୧୮ ଏ ତଡ୍‌ନାକୁ ନି ତାଙ୍ଗ୍‌କି ! ମା ପ୍ରବୁ ଜିସୁ କ୍ରିସ୍ତଦି ଦୟା ମି ଆମ୍‌ଦୁ ଝିଜେରି ଲାକ୍‌ତୁ ମାନିତ୍ । ଆମେନ୍ ।

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja
Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-05-07

PDF generated using Haiola and XeLaTeX on 6 May 2025 from source files
dated 7 May 2025

506ae627-08e2-556a-b39e-5315f886d95a